

劍
川
州
志

劍川州志

新刻劍川州志序

雲南去中華最遠劍川又滇省極邊
不與外國比鄰者麗江一府耳其間
山川靈異原野廣沃卉木繁茂鳥獸
魚之遨遊多勝地焉城郭完好村落
稠密可以樵可以漁可畊可讀非別

郡等他如決大義而抱孤忠配享俎
豆尚有典型登賢書以待竹帛家脩
庭獻豈繫無人至若后寶曉鐘金華
夕照四時之景不同足以供騷人墨
客之遊賞而心曠神怡者不可枚舉
此余甫視事而得之聞見如此及披

州乘而塵封蠹蝨殘闕失次幾乎文
獻無徵於是廣諮博訪遺漏者補之
舛謬者正之增脩成帙煥然改觀越
明年諸紳士以付梓請斯請也平日
急欲聞未之聞少之悅之允其請又
恐原本尚有詳畧未盡合宜褒貶未

之咸當復繙閱漁獵而州志成壽諸
棗梨用垂永久噫讀史而知春秋二
百四十二年之事書爵書字書盟書
會書兩電風雷大聖人維世之大經
大法也志何昉乎昉自魯史書災祥
所以驗人事之得失書忠孝書節義

書名宦鄉賢所以考風俗之盛衰波
靡庶不得濫書寓褒貶之意焉志之
取義大矣哉後有繼而增輯之者洎
筆而載某也理學駕闕閩某也功業
著竹帛某也誠信足式孝友可風慕
義者聯蟬而起彬彬大雅雖處極正

中華之盛何多讓耶是余之志也夫
是余之志也夫

昔

康熙癸巳年孟冬望後三日

奉直大夫知劍川州事王世貴題

序

今天下一統同文之盛蔑以加矣

上憲採輿圖風謠以資入

告而於遐方志乘尤加意焉創志踵事其來已久嘉

靖間始修於蘭溪李君繼修於東山張君附刻府

志自嘉靖末至萬曆初郡人順菴楊君所修也崇

禎初年先大人與鶴郡舅氏史秉信續修府志亦

以劍附惜灰於兵燹而無存矣康熙庚午張君廷

翰等奉檄纂修順治丙申以後尚未編及康熙五

十一年春奉

撫都院檄徽州志

州守王公甫蒞任風土典故未及周知乃命基盛
續纂辭之不獲勉輯成書申達

各憲迫於告竣尚多缺畧越明年王公政修民和

簿書之暇復命基盛等詳校因極意蒐討至廢寢

食僅能脫草至於折衷刪潤全仗椽筆爰彙為二

十卷星壤沿革官師學校兵賦人物方外災祥藝

文門分類聚至是始有專乘洪惟我

皇上文武聖神聲教四訖以一統志言之創地邊州奚
翅太倉一粒全錦寸絲然北而麗江已開學校西
而蘭州亦設塾師文風雅化蒸蒸日上變劍向為邊
郡今漸轉為腹地而我

國家輿圖式廓久安長治之休即州志可見也編既竣
公復念成書之難散失之易乃捐俸剗剗以廣其
傳蓋公愛民勤政修廢舉墜甫二稔而美不勝
書茲不惟嘉惠一時並欲貽休來禩公之用心
勤矣哉基盛弇鄙淺學得與末議竊幸志成以俟

後之續述并颺其盛舉公之功與前作者俱不可

諡云

康熙五十二年歲在癸巳嘉平月穀旦

吏部候選訓導郡人何基盛謹序

憲行

劍川州為續修滇志以成全書特廣搜羅用資採擇事康熙五十一年正月二十二日奉

本府憲牌內開康熙五十一年正月初三日奉

布政使司憲牌康熙五十年十二月初七日奉

巡撫雲南都察院加七級紀錄四次吳憲牌切

照省志之設

國史攸關欲圖傳信將來務在及時採錄查雲南省志自康熙三十年續修而後於今又二十年矣

此二十年中我

皇上殊恩異數霑被滇民者不知凡幾士大夫宦遊此地嘉猷懿績卓卓可傳者不知凡幾而且孝子悌弟義夫節婦足以助宣德化振舉綱常者又不知凡幾名文傑作雅詠新篇可以黼黻山川流光六詔者更不知凡幾使不及時記述則年深日久採掇愈難此地方為民上者之責也

督部院與

本都院奉

聖天子命鎮撫茲土凡一切興利除弊有益於地方百姓者業經次第舉行而又念省志一書關係不淺分之則十五國風各存掌故合之則

一朝典冊永勒名山故今時述作之功即他日董狐之地

督部院因與

本都院會商續修滇志為此牌仰該司官吏照牌事理即便會同按察司糧鹽水學四道轉行各屬若府若州若縣着令殫心搜訪極意披尋自

康熙三十年後凡地方事蹟有關史乘者悉照
滇志舊例分類纂成具文中報徑送本都院衙
門以憑逐項查核分別去取寧謹母濫寧實母
虛寧詳母畧母憲一漏萬母草率虛應故事母
得怠悞耽延限牌到一月內繳各竭微顯闡幽
二陳之力用成信今傳後之書文獻足徵汗青有託
至一切帑張筆墨之類所費無幾該地方官自
行捐脩不許借端科派貽累地方如敢故違定
行叅處慎速慎速等因奉此除移

司道外擬合就行為此牌仰該府官吏遵照牌內
奉

憲行事理即便轉行所屬隨奉

本府憲牌轉行到州等因奉此該卑職王世貴謹
遵奉

憲行牌內事理隨即殫心搜訪自康熙三十年後
凡地方事蹟有關史乘者照依滇志舊例分類
纂成理合申送

憲臺大老爺查核為此備由具申